

FRIGORIS ET GELV
DE FRIGORE ET GELV.

QUID per frigus & gelu intelligamus, tam
notum omnibus esse arbitror, quàm est sua
(quod dicunt) unicuique domus.

Tēpora
serenita-
ti dicta.

Aere puro & sereno, gelu temporibus opportunis
validius fieri, quàm obscuro, pluuio & nubiloso, pue-
ris senibúsq; notissimum esse non diffido.

Gelu per hyemē ferè totam & Veris initia, finem-
que Autumni, nobis admodum familiare esse, fidem
facit experientia.

Gelu rorem secum non agnoscit, sed eius excitabulū
& fomentum in pruina[m] plerunq; uertit.

Gelu ses-
quentia'
& fugien-
tia.

Gelu coruscationem, tonitru & similia, raro (saltem
apud nos) sibi alligat: nebulam multo magis: quæ eius
intemperiem sæpenumero auget.

In aurora & sub uespertinum crepusculum frigus
intensius, quàm circa meridiem nobis est: ob radiorū
solis imbecillitatem.

Gelu res-
siccare.

Gelu insigne, siccitatis causa esse potest: nam humi-
ditatem densat, & laxas terræ partes admodum
constringit.

Prima anni gelicidia si cum pluuia dissoluentur, cæ-
tera omnia quæ eidem anno contingent pro maiori
parte ita dissoluenda contendunt.

Vēti fris-
gora aus-
gentes.

Initiante gelu si orientalis uentus spirabit, uel (quod
sæpius sum expertus) septentrionalis, frigorum inten-
sam durationem expectabis.

Spirante